

陛下柰何以宗廟社稷之身而自輕塵埃中誰識至尊萬
一變起倉卒何以備之 上曰思見卿一言故來耳遂
屏左右語竟顧謂公曰此居且敞當爲爾葺理公叩頭
懇辭明日遣中官問公曷不謝公具對不敢狀後旬餘
獲盜伏誅 上始感嘆不復微行一日又語公曰榮實
受邊將饋大負朕且數短汝公頓首曰榮才臣不及遠
甚願 陛下以容臣者容榮 上益重公 上崩 皇
太子方九齡公痛哭請見呼萬歲百官隨之人心定正
統初疏御經筵選侍御 太皇后嘉納進公少師乞致
仕不允公在內閣嚴覈百司推薦才傑一時公卿藩臬

稱得人每災變勸修省蠲逋慎獄罷邊息民供億大省
時奄振獨憚公戢不敢動所議如責舉主選縣令復屯
田取士分南北定額清軍分南北補伍百世可行也公
貴極人臣隱約一似儒生其操持直是凜凜及至取士
論人率多平恕一時在朝同事雖憚公介直而莫不感
其教植之恩在公在私截然一出於正每語人曰天下
萬世之事當以天下萬世之心處之推是心也即古王
佐何以加焉公年八十卒于位贈太師謚文貞次子縉
以蔭爲尚寶司丞正統中

天子追念勲舊俾進 禁中常得從諸老後仕終南京太